

Tal competencia desleal considerárase como falta moi grave e será sancionada segundo o previsto nas normas establecidas para o efecto.

Artigo 36º.-Organización do traballo.

A organización práctica do traballo correspóndelle ao empresario ou á dirección da empresa en que este delegue.

Disposición transitoria

Créase a categoría profesional de repartidor/a, asimilada nos seus conceptos salariais á de dependente/a ou vendedor/a.

ANEXO

Táboas salariais

Rexerán desde o 1-1-2004 ata o 31-12-2004
(Incremento do 3%)

Categorías profesionais	Salario base (€)
* Persoal de obradoiro:	
Mestre/a obradoiro	853,77
Encargado/a	853,77
Oficial técnico de primeira	778,02
Oficial de primeira	778,02
Oficial de segunda	646,42
Axudante	598,42
Peón	575,00
* Persoal de acabado e empaquetado:	
Encargado/a	783,97
Auxiliar de máis de 18 anos	608,85
* Persoal de oficios varios:	
Oficial de primeira	783,97
Oficial de segunda	635,65
Oficial de terceira	598,42
* Subalternos/as:	
Vixilante (mercantil)	707,11
Vixilante (obradoiro)	585,99
Persoal de limpeza (por horas)	-
* Administrativos/as:	
Xefe/a de primeira	878,82
Xefe/a de segunda	843,69
Oficial de primeira	808,87
Oficial de segunda	690,79
Auxiliar	615,01
* Persoal mercantil propiamente dito:	
Corredor/a de praza	670,90
Dependente/a	646,42
Dependente/a maior	670,90
Axudante	607,25
Repartidor/a	646,42

ACADEMIA GALEGA DE SEGURIDADE

Resolución do 8 de setembro de 2004 pola que se convoca un curso de especialización contra incendios.

Dentro do programa de actividades que a Academia Galega de Seguridade ten previsto realizar no ano 2004, e conforme as funcións atribuídas pola

Lei 4/1992, do 9 de abril, de creación da Academia Galega de Seguridade, anúnciase a celebración dun curso de especialización contra incendios, que se desenvolverá en colaboración co Centro de Instrución de Seguridade Interior da Armada, conforme as seguintes bases:

Primeira.-Obxectivos.

Dotar o persoal voluntario de protección civil dunha formación teórico-práctica que lle facilite a realización das tarefas que teña encomendadas, adquirindo unha especialización na prevención e loita contra os incendios.

Segunda.-Destinatarios.

Os cursos van dirixidos aos membros das agrupacións de voluntarios de protección civil da Comunidade Autónoma de Galicia, que previamente superasen o curso básico de protección civil e o curso de segundo nivel de loita contra incendios urbanos e forestais e teñan experiencia no traballo de loita contra incendios.

Terceira.-Desenvolvemento.

1. Prazas: o número de prazas ofertadas para este curso é de 20.

2. Duración e data: o curso terá lugar do 18 ao 22 de outubro, ambos inclusive en horario de 8.30 a 14.00 horas e cunha duración de 25 horas lectivas.

3. Lugar: Centro de Instrución de Seguridade Interior da Armada, avda. de Tejeiras s/n, Ferrol (A Coruña).

Cuarta.-Solicitudes e prazo de inscrición.

1. A inscrición e formación dos participantes é totalmente gratuíta.

2. O persoal que desexe participar neste curso deberá presentar, cuberta á máquina ou con letra moi clara, a instancia que figura no anexo.

3. O prazo para a presentación de instancias rematará o día 8 de outubro de 2004.

4. As instancias deberán vir asinadas polo presidente da agrupación e seladas, e no caso de haber máis dunha solicitude da mesma agrupación, relacionais en orde prioritaria. Este será requisito indispensable para ser admitido no curso.

5. As instancias deberán enviarse por correo, fax, etc., á sede da Academia Galega de Seguridade: avenida da Cultura, s/n, 36680 A Estrada, ou ben poden entregarse en calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

6. Os seleccionados deberán presentar, antes do inicio do curso, un certificado médico de non padecer